


四

法
文庫

土岐文庫
文庫17
W68
4



10

15

20

文庫 17
W68
4

010785194022

昭和六十年二月一日
土岐善吉磨氏
寄贈

欽定國朝詩別裁集卷七

禮部尚書 臣沈德潛纂評

○曾傳燦字青藜江西寧都人著有止山

集所選純不勝雜而人才略備余于

是竊有取焉兄名旼並以詩名有雙

目丁之

目丁之

將立春同友郊外眺望

羣動各有息。茲遊成我閒。氣交寒煖候。春
到有無間。寒石自流水。夕陽多遠山。離離



林下屋時見鳥飛還

蕭

詩字中素江南松江人。中素隱於醉人中人。以工後之。徃代受直待以詩人。則行朋友之。望古人。賣柴僧牛之伍也。惜其詩未能多見。

答董子紹詩

南村有遺叟。寂寞居河濱。一褐常見肘。數椽聊寄身。所志在不苟。食力甘苦辛。聞來把魚鉤。終日無纖鱗。晴霞映眉宇。野火光燐燐。坐久發清嘯。怡然全我真。於此頗有

得勿謂原思貧

詩即自道生平。所志在不苟。食力甘苦辛。得陶公語意。

毛會建

字子霞。江南武進人。

回鴈峰

山到衡陽盡。峰回鴈影稀。更憐歸路遠。不忍更南飛。

董以寧

字文友。江南武進人。才友與才子之目。生平急友朋。難奮不顧身。亦豪士也。

國朝詩別表

席上看美丸歌

臨淄即墨天下聞鬪雞走狗紛如雲我來
 作客喜結納唇舌不減樓君卿銀花之脯
 入帶魚主人邀我飲半醺當筵少年擊鼉
 鼓更一少年袒臂舞足下紅錦鞞腰間五
 色組手持一丸摩雲端一丸未落復一丸
 雙丸將落承以頂須臾重入雲中看更出
 七丸在肘後兩手承蜩左復右旁有少年

拍手嘯犬言此技安足奇摩頂至地身倒
 懸以足弄丸目不施七丸上下聲相擊擊
 聲一依鼓為節是時我醉不欲眠紛紛羅
 袖屏前列

渡淮

黃河經北徙千里背淮流遠樹煙中暝荒
 城天際浮人歸二三月南去一孤舟何處
 王孫釣傷心古渡頭讀荒城天際浮五字為淮人傷心今更隄

高於
城矣

閨怨

沈蘇空繫合歡床。夫婿長征妾斷腸。留得
當時臨別淚。經年不忍浣衣裳。詩人寫淚
者多無魚

到此
者

○陳子升字喬生廣東人諸生以薦舉
官給事中○喬生詩麗而有骨

原本義山近代
中可麗楊升菴

昔昔鹽

鴛鴦樓外烏欲棲。玳瑁梁間燕吐泥。月暈
圓隨漢東燄。天河傾向汝南雞。萬方儀態
華燈出。一笑橫陳翠帳低。愁見曉鴻征塞
北。不知天將定遼西。

○何嘉延字奕美浙
江山陰人

燕子樓

極目古徐州。斜陽睥睨愁。黃河聞改岸。紅
粉尚名樓。芳草長埋恨。悲風不待秋。尚書

遺墓在可有珮環遊地已變遷樓名長在一女子之貞亦足不

朽可以
回世矣

張可度字嗣後江
南江寧人

廬山懷古

父居黃閣女崆峒流水桃花石室中無限
炎威竟何在成仙卻讓李騰空女自注林甫
也李白

有送內之廬山訪
女道士李騰空詩

沈欽圻字得輿江南長洲人邑諸生贈
閣學士兼禮部侍郎後學

周準填端國初詩銘明季餘習多
宗景陵先大父往復陶杜自攄胸
臆未嘗求工而自中繩削陸起頌太
僕謂鐘譚之風流毒天下不能濡染
沈生大是豪傑之士太僕先大
父師也不輕許人當時以為篤論

春日招諸生

春風來融融好花自為開好鳥林間鳴求
友聲喞喞我心適無事觸物俱和諧鳥尚
求其羣人豈無同儕花下設杯酒願與諸
子偕中心諒有得各自抒我懷元化本大

公何用分形骸春風沂水無非天輝

生祠

虎邱七里塘。生祠何纍纍。榱棟高入雲。丹
雘紛陸離。連牆與接牖。屹然豎豐碑。下承
以鼻鼻。上蟠以龍螭。華文表德行。大論抒
猷為。其公居官日。曲折行其私。析利如秋
秧。志卻民膏脂。文中頌清節。飲水適伯夷。
某公居官日。斷獄無矜疑。五刑任喜怒。罔

郵童與耆文中。頌仁愛。卑陶為士師。周覽
誠悅文。一例慙。恣辭舊有遺。愛人行政介
且慈。行如打包僧。蕭然去官時。士民走相
送。各各涕漣瀟。誰為建祠宇。惟留後人思。
好官無生祠。墨吏有生祠。好官與墨吏。行
人知不知。頌吐山之如白傳秦中吟辭氣風骨無一不肖

除夕書事

匆匆歲欲盡。有客過我廬。云有急難事。強

梁禦諸途一身惟赤手何以還里閭君能
急人患哀聲為君呼援手實我分焉敢辭
有無所愧生計薄未由足君須傾橐贈之
去餽感無餘畝恐垂家人意歡頻對妻孥
妻孥知我心笑言倍怡怡依然煨榾柮聊
復換桃符入夜四壁清此心真晏如

童奴石義託身於阮懷寧府中頗用
事招家五弟衷赤往謂微官可得

既至弟識亂徵時遊倡樓示荒嬉
不可用乃放歸乍歸而留都不復
守矣喜其能識時自汗以免因贈

以詩

都督滿街走職方賤如狗自注時童謠此時乾
坤入醉鄉君臣嬉戲同披猖剪伐連枝折
故劍一網盡欲罹鸞鳳僕隸招邀吾弟去
人頭喜鳴日相遇寸心陡觸大廈傾厝火

積薪難久駐。自荒於色。耽倡樓。是鄉足樂。
真溫柔。香濃醜。醉不知返。一笑似欲三年。
留懷寧謂是妄男子。收拾行裝子休矣。歸
來三月陪京亡。子嬰奔竄繼於枳。沙蟲猿
鶴總消沈。大地旋看換塗軌。吾弟依然把
耒耕。閑中常話小朝廷。後今永斷冠纓夢。
把犢眠雲無限情。

贈徐元歎

少年為仁客。萬金散盡不少惜。中歲為詩
人。遠之楚澤。哀靈均。歸來慕隱者。脫素滓。
榮如土苴。晚歲依空門。菴名落木歸本根。
我來訪君荒山裏。留客晚餐烹菊杞。夜寒
襖被擁繩牀。月滿空堂疑積水。不是尋常
話。箭鋒生。平披豁見心胸。卅年無限悲涼
事。付與晨鐘暮鼓中。

贈詩竟作元歎小傳
起手入語立格甚奇

一結蘊
含可思

秦良王遺像

縵纓銀冑垂紅綫。兩襠耀日風前披。滿月粉頰揚青眉。繡旗飄翻擁長鉞。誰人結束整隊伍。知是石砮女士司英雄。自古出巾幗。投石戰場壯顏色。當年平靖奢崇明。一騎紅裝萬人敵。手持長繩入賊陳。縛賊歸來向空擲。思宗季年紛戰爭。勤王誓師萬里行。至尊一語表英武。桃花馬上請長纓。

自注思陵賜詩中句後來獻賊入巴蜀齟齬不遺橫

殺戮勤王兵殘勢窮。賊于喪弟死一身。獨連斬大賊力已殫。拔刀自刎身不辱。忠勇義烈兼有之。女中張許誰能續。即今遺像餘檀極摧激。人間壯士肝。願將效死沙場女。追配從軍古木蘭。千古奇人詩亦極力寫之。明史謂良王壽終於家。然先大父同時人亦似有據。豈所云所聞異辭者耶。

梅

冰霜磨鍊後。忽放幾枝新。獨立江山暮。能開天地春。自然空色相。誰與鬧精神。野客閒相對。如逢世外人。脫盡窠臼。籠單前人。

送楊曰補南還

去年春盡同為客。此日君歸又暮春。最是客中偏送遠。寒堪更送故鄉人。四層曲折。一氣傳寫。

又脫口而出。略不雕琢。是唐人絕句品格。

梁逸字逸民。江南崑山人。著有紅葉村詩。逸民人與詩俱不入時。

葉文敏亭而傳之。卷中意未稍薄。而氣味俱前。翛然自遠。

把酒桃花下

茅屋水聲裏。高面桃花紅。深杯獨淺酌。花落盈杯中。今日向花醉。明日枝頭空。開落固有時。何用嗟春風。

泊舟古渡

渡頭楓葉正飄零。驛外空傳舊有亭。兩岸雲封千嶂白。五更霜落一燈青。濤聲入枕

愁先覺寒氣侵人酒易醒。莫向洞庭悲木葉。恐驚瑤瑟怨湘靈。

阮旻錫字疇生福建同安人

還家

畫室遯江村。乍歸未識路。卻問路旁人。為插門前樹。癡兒各長成。有弟亦同住。病妻久臥牀。淹淹迫歲暮。獨客苦思鄉。還鄉如客寓。二親掩重泉。淒清感霜露。回首望禾

江舊屋。杳無處。信宿不違安。又復出門去。

向於京口見無名氏詩有馬里是卿家身客三冬披葛夏被綿向馮出作客情

七忠祠

遺廟淒涼落照餘。諸公抗節竟何如。可憐苦戰平都督。不及臨戎鐵尚書。風雨孤城猶黯淡。河山故國已丘墟。峨眉亭上題詩客。半載傷心論革除。

○陶 激字昭萬江南宣城人著

將進酒

白日黯黯容易過。春風玉顏當奈何。君能
忘憂我和歌。重傾迭酬金巨羅。騰鳳脂勞
麟脯炊珠羹。流玉斝。憂來填膺不能食。何
如交歡及尔汝。君不聞。閉關沈酒稱達生。
又不聞。大呼狗賣。千載名。人生不飲空獨
醒。

苦雨詞

鄰江渺渺吹雨天。五月無禾成白田。桔槔
雖具下力難。可憐來日無朝餐。辛勤終歲
不得息。昨夜傳聞羽書急。君不見。東鄰向
壁哭。哭未休。長男輸役中男囚。

曹舍人寓齋聞鴉衣作

廣庭月白秋漫漫。主人有酒留客懽。誰家
思婦罷織素。坐調清砧當夜闌。砧聲斷續

靈華溫還開門外莎雞泣。同是天涯離索
情感時最有。聞中急力盡。回房淚點多。遙
憐此際感。雙蛾西風入。懷奈獨何

贈陳謫公

往者曾讀邊令僕云。是保芝陳子作。才雄
法贖有根松。青英滿前氣。芳魄我嘗彷彿
思其人。千里停雲阻。河朔今年得。遇恒山
陽。半酒論文慰。蕭索憶余為客。西復東門

前車轍無一同。高曾規矩久。蕪沒後人不
識。般僮工。君今著書已踰尺。况復身親見
兵革。一嘆一笑皆有由。豈是尋常老逢掖
莫言上策不見收。長安少年多徹侯。君才
如此。命貧賤且醉醇酒。吟清秋。君不見江
河之勢原東流。邊令米脂令邊大受也。曾
李自成祖荃謫公作傳
之表

蠻觸行

國朝詩林卷之六

秋林濕盡土花碧。蝸牛延緣不踰尺。角中
 兩大安如山。胡為相尋日。相見東帝西帝
 齊與秦。當年自謂英雄人。一朝粘壁竟槁
 死。沛公出為漢天子。橫覽古今何非蠶觸
借齊秦以發其大凡

陳思王墓

斜日下高樹。秋風生細塵。可憐衰草地。猶
 是建安人。白屋更新主。青山結故隣。童童
 雙檜在。風雨各千春。二四語為時所稱

題康郎湖忠臣廟

草昧龍爭日。風雲得武臣。乘時元赤幟。魯
 跡豈黃巾。羽檄緩南服。天垣動北辰。斷蛇
 先識楚。逐鹿後降秦。建業王居正。洪都戰
 血新。旌旗迷過鳥。矢石駭潛鱗。借箸應無
 匹。焚舟若有神。陪危社稷重。仗節死生均。
 日月躔雙壁。羌戎奠九垓。君恩五等錫。士
 氣一朝伸。孫子圭璋在。春秋俎豆陳。白波

吹浩浩。蒼瓦覆嶙峋。往事今為烈。羈人感
自真臨流獨橫涕。蕭瑟對秋旻。視李比地
作較典切

兼有骨力此種
全從杜陵得來

趙與梗字楚林福建龍溪
人有珠谷刺草

九日雜詠

寒食吊之推。端陽悲郢客。如何重九日。不
祀陶彭澤。

董 閣字隱僧江
南吳興人

歲杪送青來遊滇

遠遊當歲暮。為養反離親。貧士千秋恨。依
人萬里身。丹崖盤鳥道。黑水暗龍津。嗟我
猶羈旅。離筵倍捨神。

○ 植字大本號東堂江南太倉人諸
生。東堂八歲應試作五倫論

吳梅村祭酒見而奇之既長研窮古
學為王所城尚書賞識康熙己未以
博學鴻詞薦未應試卒詩體甚盛唐
不落元明以下讀悲歌六章可以見
其生平

鳥夜啼

碧梧墜露驚秋早。羅幃輾轉。愁難曉。乳鳥啼。斷井欄西。閨中一夜青絲老。只可閨中伴我愁。鳥啼切莫向邊州。盧龍磧裏征人在。多悲閨時也白頭。

猛虎行

猛虎突出勢桓怒。不住深山踞當路。風高月黑聞嘯聲。四野行人盡回步。一虎之猛

尚可當羣狐。假竊牙爪張豈無。壯士欲手搏出門四顧心徬徨。眈眈尔威誰養就。昔猶昏暮。今白晝。瞑目徼教。凡獸驚肥身。那管飢民瘦。虎兮虎兮。知懼無。灞陵亭下秋草枯。飛將碎發金僕媧。石猶飲羽况爾乎。

韓侯釣臺

王孫昔釣長淮流。釣竿一擲重瞳愁。赤龍得水上天去。鐘室酬功付刀鋸。漢家青史

兩鈞臺千秋獨為韓侯哀何如客星早歸
鈞一別東都更不來兩鈞臺意思陳奕作
右說未偏見其款

悲歌

男兒三十尚貧賤土室低頭事筆硯
洛魄恐遭廝養辱苦吟畏被妻孥見
冬日不鑪夏不扇坐穿一榻破萬卷
西行發策獻至尊致身不受將軍薦
由來絳灌讒賈生胡用苦曹弄柔翰
齊門挾瑟嗟徒工獨立荒

刻淚如霰

我欲歸種襄陽田背依高山面大川
婦饁男耕自怡悅伏龍雛鳳相周旋
不尔亦是苑源仙桑麻雞犬別有天
誰知此樂難再得商羊旱魃迭弄權
東鄰輸租鬻鬻小女石壕夜呼橫索錢
西家老翁徒壁立惟忍凍餓長安眼

旁人勸作洛陽賈鮮衣如雲馬如虎大兒

羽林充宿衛。小婦邯鄲善歌舞。明珠白璧家盈箱。畫樓錯鉢夜勾股。嘖嘖猗頓獨何人。卻笑黔婁徒自苦。吾曹意氣恥阿堵。揮斥黃金賤如土。安能跼蹐屠沽。伍六章相連而下

古人爲法
起手甚健

脫身從軍向絕域。犬食烏號懸兩腋。部中不滿五千騎。百戰沙場盡辟易。尉佗繫組明光宮。樓蘭懸首長安陌。凱歌入關報天

子。始信書生萬人敵。一朝坐失幕府歡。瀟下都船對刀筆。衛青天幸輒有功。李廣數奇竟何益。

流沙北去弱水東。琅玕作樹珠為宮。藐姑仙子冰雪容。導以翠節雙青童。我欲從之問丹訣。直與天地同無終。秦王漢武皆英雄。樓船浩蕩乘長風。獠龍吹水作山立。三千嬌女沉淵中。驪山茂陵空白骨。不死之

藥何時逢。設想愈幻
愈幻愈妙

學仙學劍兩無成。為賈為農安足道。中心
不羨黑頭公。貧賤何妨。鄧禹笑。有琴恥向
貴主彈。有門恥為丞相掃。流行坎止。隨所
如。入世卽能。量柄鑿。鄴侯架上。皆吾師。吾
將終焉。汝吾好。此章總收結穴在此。不
少趨少陵七歌而風骨神

味自
合

觀燈行

新年半月雨。不歇連巷春泥。馬蹄淺差池
已過。賞燈時。金尊玉管。花空發。曼東刺史
趁新晴。特役然燈照夜明。珠箔舞殘初見
月。紅窓歌轉乍聞鶯。六街九陌。燈光曉海
城。今夜春生早。不是官衙。恣宴遊。為民預
祝秋成好。對景翻教憶去年。此時聽雨正
高眠。華燈卻掩春宵寐。誰道秋來更可憐
九月十月風雨惡。到處田疇盡蕭索。賣身

鸞舍僅供糧那有餘錢更行樂聞說言官
 特疏求減租詔下可無愁不辭徹夜笙歌
 沸及此風光樂未休樂事無多憂轉續書
 生迂願何時足公取蟠螭玉九枝攜來遍
 照流亡屋點綴太十忍憶去年愁慘波瀾
 層層哀柔無端未二語可云

東顧亭林先生

驚喜相看問阿翁少年連袂各頭童
 後

卡五年前別身在三千里外同且注蟲魚
 潛硯北任教車馬過牆東鄉關者舊多蕭
 索閱歷如公道未窮

客曉

歌枕荒郊鳥亂啼漸聞人語板橋西
 秋邊覓句天難曉夢裡還家路易迷
 兩岸共蘆千里馬五更霜月一村雞
 吳濃到此腸先斷况復高城急鼓聲

讀史偶感

兵罷邯鄲氣欲吞。時危公子下監門。滿堂珠履三千客。未去後來未受恩。典毛遂三終同意

勲名畫室少齊眉。翻為椒房受禍偏。萬乘

不能求一。女當年最有口碑賢。霍氏功高不及金之

謹密括出兩家為千古鑒戒

徐 柯字貫時江南吳縣人。以文精

流跌宕。繼歸和光。同塵詩半八溫柔。聽語與侯。齋各行其是。豈所云肖陽。

為批初下為上耶存詩二章以志崖略

早春園林感興

已與春衣盡。還驚春色來。百花南向折。

鴈北飛。回濁酒。徒兒醉。輕羅任婦裁。平生

蕭瑟意。身世幾悲哀。

欲雪限韻

慘淡庭松色。喧啾檐雀聲。有若封玉砌。無

露到金盃。已獸浮雲重。還看鳳絮輕。應知

隴上耆此際輟深耕有奇小婦詩中云香能損助專宜少露澆

沾花攜奠頻一時傳誦摘錄于此

○文點字與也江南吳縣人口爽也先

罕見其跡工寫山水不輕許人有賓介多方求之已寫就矣聞其人憲官職不願堂上則隨手裂被其形介如此

呈芸齋先生

天寶開元事已陳風塵亭內老遺民偶談

先世頻揮涕為被家國負新訓乎八行

文不滅自注忠介公家書訟冤一疏血猶新自注

為父訟冤血衣冠古朴人誰識認是林宗犖角

巾芸齋即忠介公家子子佩先生也一門忠萃枚贈荅中傳寫盡之得立言之体

渡江

青山如故人江水似美酒今日重相逢

酒對良友

○陳王字比之廣王東海陽人

冬日同友人遊南巖精舍留宿次詩

上上人韻

一路霜風落葉深。偶逢知己入空林。雲停似欲依禪定。鶴立居然有道心。古洞燈微涵冥色。夕陽鐘動出寒音。十年宰相渾閒事。聊與山僧和苦吟。

陸進 字蓋思浙江餘杭人

題宋高宗六字碑 自注硃書傳忠廣孝之寺

雲門野寺古禪關。片石峩峨煙靄間。自

翠華來勝地。常留宸翰紀名山。丹文不變千年色。碧蘚難侵六字斑。堪笑花宮稱廣

孝。君親當日幾時還。 宋高不報父兄之讐。稱臣稱姪其罪擢髮

難數矣一結譏笑之中嚴于鈇鉞

朱爾邁 字人遠浙江海寧人。此亦王新城所賞識者雖欠精警而氣

体日不落小家

葛洪丹井西尋唐顧浦翁讀書亭舊

址

陰陰澗底花落落，嶺頭柏蒼蒼。雲霧重渺渺，人家隔相傳。葛穉川燒丹，此中宅至今。丹井間紅泉，漱白石。石上臺何高，栖遲合騷客。新藻灑芙蓉，英辭動金碧。千載人讀書，余也忝後席。學仙僊未成，知音懷夙昔。獨自抱琴來，慨焉終日夕。

鐵陵廟

弱冠雅負奇，矢志凌雲表。匹馬佩弓刀，出

自三關道，報恩功未酬。獨立傷懷抱，歸臥南山南。荒林跡如掃，更上鐵陵關。往事尤悄悄，浮雲捲大旗。落日耀空堡，嗟哉明武軍。一往亂飛鳥，戰血鬱未消。化作山頭草，枝枝帶征魂。遺恨何時了。

○韓純玉字子遠，浙江歸安人。若有遠廬

霍林，野累不無失身之幾。子遠終身抱憾，時時飲泣。

題李營止風雪運糧圖

自古嘗稱蜀道難。百步九折紫巖巒。何況
 嚴冬深雪裏。寒氛晦靄踰千盤。前峰翠嶺
 矗天起。後峰連綿勢未已。猿猱不度鳥不
 啼。懸崖無根谷無底。峨眉劔閣雲萬重。捫
 參歷井摩蒼穹。蛟龍蟠拏古木偃。蟠蛇蜿
 龍飛梁通。此時何處來徒衆。運糧千里輓
 輪重。僕夫股慄泥沒臆。車輪欲摧馬蹄凍。
 誰能畫者李營止。秋毫細晰天為愁。心神

自與元氣合。筆力直與造化侔。營止本屬
 唐宗系。邦家正值凌夷際。隆準王孫泣路
 隅。紇干陳雀遙飛去。天寶以降傳乾符。車
 駕幾度留成都。漢陰饋餉騾背負。百官始
 得充朝餉。蜀道之難難若此。危途數困唐
 天子。當時寫此非偶然。後來題者趙承旨。
 承旨亦是宋天潢。筆墨神妙真相當。徘徊
 歎賞最珍惜。似因弱宋悲殘唐。唐郊宋社

以荆杞又曾再。閱滄桑笑書畫。還從世上傳。乾坤舊事隨流水。此卷經今八百年。卷中陵谷猶未遷。收藏印記亦屢易。令人對此情惘然。君不見自有書契來。陳迹悠悠皆可觀。空將哀樂感興亡。憑吊環州一杯土。嗚呼豈必王孫心。獨苦弱宋殘唐遙遙相應見畫與題書者無限經營苦心不止筆墨之工也。人君尚德不尚險。意於言外見之。

漢陽渡口作

漢陽窺鄂渚。夾岫走長虹。小艇雙飛燕。中流五兩風。一江分二郡。三國鬪群雄。多少興亡事。銷沉向此中。自注楚江小艇一人掉西漿名雙飛燕
魏際瑞原名祥字善伯江西寧都人
文韵語非其所長伯子雖多敗闕然時有生氣韓侯釣臺云曾說婦人偏隻眼空傳霸主是重瞳贈人云天地有時餘尔我英雄無主笑曹劉可以見其氣概

諸葛公墓

定軍山下柏蒙茸。曠古精誠在此中。三尺
孤墳猶漢土。一生心事異秋風。孫曹未滅
成何世。天地無知喪此公。千載傷情惟杜
宇。年年啼血樹頭紅。三顧頻煩兩朝開濟
其既沒後言立
論各有所主

金山

大江東下海門寬。萬里奔流激箭湍。不信
山從水底出。却疑身在畫中看。龍窩燈火

千株動。雲氣樓臺一點寒。誰道風波不可
涉。風波危處卻平安。

江頭別

白石山過紫石山。鷓鴣灘下鯉魚灘。山
連接灘難急。遊子南還何日還。竹枝
遺響

王遵坦字太平山東益都人隨肅王平
蜀以軍功得官至四川巡撫著

雪浪灘

頤學齋集

午枕不可竟醒此驚滿聲堆雪耀昏夜殷
雷喧夏晴譬諸磊落士所鳴恒不平笑彼
清冷潭泯泯含微明

○朱徽字遂初江
西進賢人

舟行零都道中

春日既已暮山溪水亦長綠越殊未極茲
鳥復理榜川原靄迴鬱觸目紛萬象鳥啼
山木暗人語難石響雨外峰明滅風前花

偃仰山轉尖米蹤沙明得前朗魚跳碧潭
中猿引蒼藤上壁隙鬼神劔石皴仙人掌
時或遇平曠茄屋瓦三兩子本倦遊人取
次愜心賞逢山擬便登遇水欣長待只此
區中跡已深霞外想何時縱所如悠然息
塵鞅

○舒忠讜字魯直江
西新建人

滁州遇避寇人過江

半夜頻呼起寒風送我行英雄消馬跡天地感雞聲壘破纜添戍村空又避兵始知班定遠不肯作書生

陳恭尹 字元孝廣東順德人著有獨漉堂詩

日本刀歌

白日所出金鐵流鐵之性剛金性柔鑄為寶刀能屈伸屈以防身伸殺人星飛電激光離合日華四射撞噴濕陰風夜半刮面

來百萬愁魂鞘中泣中原歲歲飛白羽世人見刀皆不顧為恩為怨知是誰寶刀何罪逢君怒為君畫盛威與儀為君夜伏甕與甕水中有蛟貫其頤山中有虎抉其皮以殺止殺天下仁寶刀所願從聖人 與藥亭作

用意各別而尊崇中國指歸畧同勿但賞其能作驚人語

贈余鴻客

蜀犬不識日羣吠聲狺狺越人賤音甫不

以易文身。中原龍戰二十載。萬事反覆如朝昏。我行驚懼伏草莽。舉國大笑為愚人。何來年少金陵子。肯道相思滿人耳。三年覓我二樵間。一夕逢君五年市。傾山倒海見胸臆。白日照耀肝腸裏。羈貧無酒留君歡。對坐江樓飢不起。是時積雨江上晴。丹楓亂落寒蟬鳴。長風駕浪作邱壑。屋樓海市相爭榮。趙陀朽骨為黃土。陸賈詩書亦

何補朝臺空有漢家名。浩歎今人不如古。今人古人間。容髮舉足之分。邈然越眼前。得喪等雲烟。身後是非懸日月。惟君茂齡懷抱奇。嚴君風義兼能詩。曾窺一二每心折。安得天馬無龍駒。荒城氣黑落日短。強為吾子停斯須。如君意氣復何道。所願故心終不渝。

柏舟行為區母陳太君賦

柏舟兩鬢猶可儀陶嬰黃鵠曾雙飛夫人
 為婦已頭白眼中未識君光輝自言生長
 大夫女經史胸襟炳如炬父母有命兒有
 心縱不言承已心許心期頡頏同一林天
 教殊絕同辰參人生意氣貴一諾妾寧負
 天不負心妾父有男妾有姊君家大夫只
 一子有妻於俗得孤立無妻為殤終已矣
 素車白馬入君門餘來為義非為恩身安

分命甘若齋半生衣枕無啼痕當年十五
 今五十嗣子成立皆有孫嗚呼男兒陷胸
 絕脰死容易就義從容人所畏青閨冉冉
 盛年徂寸心一矢終不渝千金之劍贈墓
 樹至今談者猶區區何況贈以千金軀乃
 知未往報韓者古今所以為丈夫負天不
負心天
指母氏本共姜母也天只句區大夫止
一子無妻不立後則後絕矣此陳太君
能見大義處詩
中曲曲傳出

邊草

勿論榮與悴。今古恨無窮。雪散燒痕上。青
歸戰血中。天長垂大漠。地遠後東風。獨有
明妃冢。年年似漢宮。青歸戰血中
五字驚人

秋戍

漢皇猶自將。率土敢言勞。共命惟良馬。餘
生託寶刀。侵霜秋柝冷。占氣夜天高。未見
功成日。還家已二毛。

蜀中

子規啼罷客天涯。蜀道如天古所嗟。諸葛
威靈存八陣。漢朝終始在三巴。通牛峽路
連雲棧。如馬瞿塘走浪花。擬醉昔賢魚水
地。海棠開遍野人家。王漢王於巴蜀漢中
漢於此興後主不能

守蜀而漢亡矣
四語可與論古

鄴中

山河百戰鼎終分。歎息漳南日暮雲。亂世

國朝詩集卷之七
三二
奸。雄。空。復。爾。一。家。詞。賦。最。憐。君。銅。臺。未。故。
吹。笙。伎。石。馬。先。傳。出。水。文。七。十。二。墳。秋。草。
遍。更。無。人。表。漢。將。軍。表揚才華。誇奪
奸醜論最平允

隋宮

穀。洛。通。淮。日。夜。流。渚。荷。宮。樹。不。曾。秋。十。年。
士。女。河。邊。骨。一。笑。君。王。鏡。裡。頭。月。下。虹。蜺。
生。水。殿。天。中。絲。管。在。迷。樓。繁。華。往。事。邗。溝。
外。風。起。楊。花。無。那。愁。

虎丘題辭

虎。跡。蒼。茫。霸。業。沉。古。時。山。色。尚。陰。陰。半。樓。
月。影。千。家。笛。萬。里。天。涯。一。夜。砧。南。國。千。戈。
征。士。淚。西。風。刀。剪。美。人。心。市。中。亦。有。吹。簫。
客。乞。食。吳。門。秋。又。深。極熱題須一洗
棄白此為得之

送姜山上人遊南岳

送。師。西。去。重。低。徊。曾。上。衡。山。絕。頂。來。夏。帝。
碑。蕪。蟲。篆。徧。楚。天。峰。斷。雁。行。迴。燈。前。鬼。半。

案沙出霽後僧門鑿雪開正是到時二三

月上方明月下方雷奇景得奇句寫出

發舟寄湛用階鍾裴仙湛天石

扶胥古渡水淒淒雨後移舟望轉迷數口寄居秋草外一身為客楚雲西家無兄弟依朋友地夾河山畏鼓鼙知己片言應不負亂離妻女藉提攜如面訴友朋宛轉關生情文並至

讀秦紀

謗聲易弭怨難除秦法雖嚴亦甚疎夜半橋邊呼孺子人間猶有未燒書

董道權字秦雄浙江鄞縣人秦雄詩工於言情層出不窮有長袖善

舞之態

雪中答李杲堂

剡陵孝廉重然諾約我今秋醉黍落先人有友官并州我欲從之客雁正高堂有母缺甘旨負米何辭數千里杲堂李子夏我

閉門飢欲死。告以遠行為色喜。酌我黃金
罍。贈我青銅錢。低徊不忍別。此別須經年。
袖君之錢醉我酒。城東城北頻回首。歸來
兒女候柴門。笑指瓶中不盈斗。奉衣問我
欲何之。今年豐熟仍苦飢。即未出門其耶
語耶。既出門。啼向誰。示兒袖中錢。故人佐
行李。移與易米薪。且以救妻子。量米數薪
堪作數。日食買舟無資行。不得他日仍登

李子堂。李子為我作歌聲。蒼涼曳履依然
守蓬萊。得酒且與傾。盡觴昨夜雪花如掌
大。草閣嚴寒只僵臥。午餘日色照西窓。起
把君詩讀幾遍。窓前冰雪消有時。故人顏
色長相思。友人贈錢為遠行資。乃歸易薪
米。乃守逢。薄資。士是有此苦也。
仍復登友人堂賦詩飲酒
絕無羞澀猶見古人交道

王麟友同宿客舍志感

廣陵城中夜擊柝。廣陵城頭啼烏鵲。爾我

相逢語正殷。僮僕無情睡。先著微風忽起。
搖燈光。輕寒稍覺。浸衣裳。鼓聲坎坎。下三
四。解衣滅燭。眠匡牀。與君展轉。各無寐。細
數年來不得志。為情天涯此日身。轉憶先
人舊時事。君家曾祖大司空。情名文譽聞
東。神光兩朝。焚諫草。燕齊百郡。銘河功。
卽朝廷倍惆悵。特命春官。予祭。葵卮酒。
出天府。將墓道築。就東園匠。此時萬國

來車書。至尊別殿。夢華胥。潼關烽火起。倉
卒。延秋龍鬪爭。欻歔若翁司空家。孫子自
拜國恩心。國耻策馬請。監丞相軍。守城遂
同丞相死。此時君作懷中兒。何處尋來馬
革屍。今踰二十善詞賦。蓼莪開卷徒傷悲。
吾翁若翁交最好。吾翁賢書年獨早。七篇
屢下南宮策。一表徹盡長安道。負囊簪筆
越王臺。角弓鐵騎笑。山來白眼世上誰。共

語散髮江湖祇自哀。閉門著易忘暮年。把
酒讀史呼蒼天。嗟我三十尚失意。山高著
迷何時傳若翁。遊魂歸未得。羣務買土塋。
無力相逢此地喜。欲狂相看今夜愁。如織
披衣起坐聞荒雞。欖槍在天明月低。客舍相適

追述累世交誼忽悲忽喜百感茫茫自是意動神隨之候

任元祥

字王谷與陳其年善時其年著聲藝林王谷規其詩有才無情以舍君卒取辨為才好何李雲間而不歸杜老時

論如此不獨詩品之高其直諫後可知矣

寄侯朝宗

雪苑春陰度玉珂。大梁公子倚彫戈。市無
朱亥。經過少客有。於期。恍慨多。落日千家
翻白羽。桃花三月走黃河。風流江左遙相
憶。潦倒尊前有放歌。可作羽韻讀

柳

文

字長在四川遂寧人

送施又黃還吳門

親老遊何遠長安羨爾歸西風悲落葉征
馬戀斜暉詞賦無今古烟霞少是非淵明
三逕菊留待護柴扉

夏熙臣

字無易湖廣孝感人

施州衛寄所親

環衛皆君長東南畫策功流官乘小駟
婦織花實刀劍生睚眦衣冠列附庸不煩
司馬檄尺土亦王封

蔣

注字籍來江南吳縣人著有三行草堂稿文文肅序之今並改佚

錄扇頭所書一篇

登山

天門千丈立山佳
巖削雙峰一徑開
山界魯齊盤地軸
禪隆秦漢剩仙臺
黃河北繞青正出
碧海東依紫塞回
欲倩盧敖九節杖
晴披闔闔望蓬萊

吳祖命

字勸衣江南吳江人

詠史

天祿高然太乙藜。玉堂東畔石渠西。君玉
讀罷賢臣須。偏遣王褒訪碧雞。識不能用也。味史

詩自應以
議論行之

欽定國朝詩別裁集卷八

禮部尚書臣沈德潛纂評

姚文焱

字彥昭江南桐城人著有楚遊詩

赤壁

天空木落石崔嵬。萬懷古憑軒。倦眼開。山勢
欲奔香浪住。江光不斷抱城來。英雄氣盡
三分業。詞客名高兩賦才。只有文章傳勝
地。簫聲鶴夢總塵埃。

吳綺字園次江南江都人由選貢生
綺官湖州知府著有林蕙堂集
園次守湖州擒治豪猾喜賓客田方
名流過從賦詩遊歷無虛日卒以是
去官梅村贈詩云官如殘夢短
客比亂山多可以想其風趣矣
程益言邀飲虎邱酒樓

新晴春色滿漁汀小憩黃鑪畫樂停。七里
水環花市綠一樓山向酒人青綺羅堆裏
埋神劍簫鼓聲中老客星一曲高歌情不
淺吳姬莫惜倒銀瓶三四語寫山
塘風景如畫

贈趙尊客

閩客浮家如水湄孤踪不許俗人知春衣
典盡綠沽酒晨冥無烟獨愛詩晞髮未忘
文信國論心長憶鄭當時何來忽作思鄉
曲擷采幽香絕妙詞

見人扇頭是友沂絕句愴然和之

歌版當年出絳紗綠衣紅袖盡鉛華只今
梗面春風在曾向章臺拂柳花

八署

平明初下紫宸班。錦署無營畫掩關。間拂
案塵思往事。一杯涼雪祭椒山。兵部有椒

祭之

友人納姬戲為催粧。姬汪姓南人也。

蛺蝶輕羅押蒜金。燈前小立倚瑶琴。桃花
潭水兒家住。只問卽情深不深。

題畫

怪石頽雲勢不平。西風捲出大江聲。漁郎
醉卧蒹葭裏。笑指何人觸浪行。

○黃

雲字仙裳江南泰州人著有悠然

語俗事相勸 仙裳負氣慷慨人以俗
語之羣日為狂生

江村春日

門前芳草路。春到有誰過。曙鳥喧寒樾。條
風動綠波。性迂求世少。親健得天多。莫訝
將強仕。猶然隱澗河。

經落帆亭是癸巳春與陳澹仙先生

別處

故交十載散浮萍。橋李風煙此再經。今日
獨齋磨鏡具。當時相送落帆亭。東門蟻酒
春猶綠。南浦絲楊晚更青。只有寢園生宿
草。鷓鴣啼處不堪聽。

婁東修復前。觀察馮留仙先生祠宇

憶昔驚心丙子年。誰將隻手獨扶天。舉朝

牛。醉烏程酒名。士拚沉白馬。淵黨禍清時。

公又死。好謀用後。鼎俱遷。寧知宗社正墟

日。廟食東南。肅几筵。明思宗朝烏程温体

人多附比之社之所以
屋也三四為記實語

梁谿舟宿聞吳歌

鷄唱烟中亂。繁鳴夢回酒醒未。天明江南
風景彫殘後。纔聽吳歌第一聲。

宗元鼎字定九江南揚州人著有芙蓉
齋集。定九愛潔不減倪高士

爲詩最重風調而性情因之以出其
漫然語也集中七言絕句尤近中晚

唐

早秋

我行初出郭。新月似蛾眉。幾夕望舒圓。今
復蟾兔虧。匪獨此朝夕。百歲亦如斯。懷情
不能寐。徘徊向中墀。側聞草蟲鳴。仰望繁
星垂。人言秋漏長。已覺衡漢移。千念未夜
息。萬感與朝期。長卿恒有疾。子雲終何爲。

引領還躑躅。淚濕衣裳縑。

題郊居

茶。蘊。聲。清。響。竹。廊。小。亭。新。構。面。橫。塘。漁。夫
曉。唱。烟。生。浦。桑。婦。逐。歸。月。滿。筐。一。嶺。山。花
燒。杜。宇。滿。池。春。雨。浴。鴛。鴦。籬。邊。犬。吠。何。人
過。不。是。詩。僧。是。酒。狂。

冬日過甘泉驛

記得當年來古驛。馬鞞帶雪繫樓前。雙柑。

香。凝。佳。人。手。半。臂。寒。添。酒。客。肩。忽。見。荒。隄。
摧。暮。艸。空。傷。衰。樹。沒。寒。烟。風。塵。滿。日。深。惆。
悵。却。望。誰。家。寄。醉。眠。記得忽見上下半篇
自成章法雙補一聯

百尺樓

素。鞵。翻。翻。月。一。鉤。凌。雲。風。致。想。高。樓。江。南。
歌。舞。尋。常。事。便。遣。曹。彬。下。蔣。州。連下章用
意遺詞神

似玉溪
純句

吳音曲

璧。月。遊。花。夜。夜。重。隋。兵。已。斷。曲。阿。衝。麗。華。
膝。上。能。多。記。偏。忘。床。前。告。急。封。

留鄒詩士

新。開。蘭。蕙。正。芳。菲。初。到。鱗。魚。入。饌。肥。最。好。
流。光。是。三。月。如。何。拋。却。渡。江。歸。

潘

高。字。孟。升。江。南。金。坛。人。著。有。南。村。
集。南。村。詩。古。於。生。新。絕。無。影
飾。而。自。然。合。度。金。坛。詩。人。無。出。其。右
者。漁。洋。詩。話。謂。陳。其。年。與。予。書。云

有潘高者貧而上詩久別無可言者
止此一物奉獻潘有寒食一絕云黃
鴉谷之雨疎之云云今讀其稿終高
者甚多此篇止風調可沂恐非上乘
初春有述

我生無他長所耽惟種樹中尤愛梅為
其能守素守素有同心相將老巖穴花時
犯清霜坐刻將殘月家園興未足尋梅過
大湖梅花如白雲茫茫路欲無入山不忍
盡下山元獨宿鐘清何處寺花隱護家屋

頭言寄吾友一枝折寒林微物何足貢將

此感寒心也一篇大旨如此

送友人之中州有懷同社并陳子其

年

臨觴送君發正值榴花時雨過風蕭然空
山浪遲遲行行君所經冉冉予所歷若宿
伊陽村為望高山月致我平生友寄我一
行書相看成契濶鬢髮復何如陳子未相

識相思亦已久。為我一問之。知有南村否。
歸雲帶雁飛。清霜點客衣。且晚有題字。應
報溪南扉。

憶幼子

少年會有役。辛苦何足言。四十今過。一向
後多哀年。撥棄悠悠情。當從子所便。夜分
偶感觸。顧影心怡怡。憶我去冬時。種麥來
溪田。小兒總五歲。叱叱揚耕鞭。隨我至溪

畔。背我弄溪泉。日暮徐耒歸。持鉏趨我前。
今春忽假館。僻近西山偏。牽衣頻送我。正
傍溪田。邊溪水亦活。活溪麥亦芊。芊自從
別家來。歲月如流遷。麥今已可刈。兒今誰
共憐。我意欲反權。遇事苦屯。邇懷鄉方圻。
立東望。惟雲烟。蕊愛至情委曲。傳山無
心幸陶去陶公未遠。
晚上焦山絕頂。至暮歸宿山莊。
初日江荒荒。曉烟不可罷。稍行見青螺。漸

次辨蘭若人行穿鵲巢路窠盤石罅逾時
 攀險絕早已驚哀謝樹古岩就穿樓高雲
 許藉一盡巔崖趣旋從別徑下落木響蕭
 騷寒潮勢奔瀉欲歸路非遠問渡風稍借
 可憐江上月先我在茅舍酌酒劝影形嗒
 然坐清夜此首又近李頎常建本朝
材每首清真求參
立者或難其人

古意

跨馬塞北地百戰封一侯釣魚江南天一
 竿占十洲此事孰不知大白為我浮醉起
 唱銅斗此樂君知不能存此樂散人
勝萬戶侯矣

留別

水落溪田出霜清下種時煙中送人早雨
 外到村進松隔誰家屋花明是處籬君今
 荷篠者吾亦在東菑

寄梵川諸友

柳暗溪南路。紫門第幾灣。人隨春水遠。鳥帶夕陽還。綠過孤村雨。青浮隔縣山。徘徊芳艸意。不盡暮雲間。

雜感

陰山沙礫捲雲飛。戰罷秋風咽鼓聲。隴上空歸都護馬。城南盡哭羽林兵。妻。蕭。關。明月悲。笳動。遼。海。孤。烟。雜。部。齊。遠。戍。議。添。新。介。鼠。不知。微。騎。過。安。西。

秦淮曉渡

潮長波平岸。烏啼月滿街。一聲孤櫂響。殘夢落清淮。金陵詩社諸名流咸在賦秦淮。晚渡爭勝者多。長篇累幅。南。和。日。我。年。老。才。竭。只。二。十。字。也。出。示。衆。人。皆。勉。手。服。甚。有。袖。詩。不。出。者。金。壇。虞。索。呈。云。

春感

江水悠悠泛畫桡。東風何處不魂銷。春歸萬里無消息。又過垂楊舊板橋。

寒食

黃鴉穀穀雨踈踈燕麥風輕上黃魚記得
去年寒食節全家上冢泊船初

暉日初字仲升江
南武進人

觀黃石谷畫山水圖歌

琴川王郎年正少放筆往往稱神妙靈想
寂與造化通幽襟獨寫溪山照看君得意
時意若苟無人抽毫欲使群峰奔躊躇顧
盼久不下素練忽破青山痕誰剪羅浮烟

驚落華陰碧勢偃研北松欲隨壁上石冉
冉嵐氣蒸轉目無留迹管正洪谷不可攀
人間久矣無青山此時窺圖發清賞高興
半落雲沙間何處覓丹梯何方種瑤草烟
霞四壁吾將老援琴待掃十丈綃坐我雲
邊弄仙島

方膏茂字敦四江
南桐城人

歸家

此身。排。水。別。那。意。得。生。還。征。騎。才。門。外。喧。聲。已。戶。間。心。含。他。日。淚。眼。認。去。時。顏。喘。臂。知。非。夢。今。朝。真。入。關。
喧聲已戶間即少陵鄰人滿牆頭意工於

化脫

張宸 字青瑀江南華亭人官部郎

楚中秋思

日落長沙楓樹紅。斷猿啼處暮雲空。可知昨夜鄉關夢。身在寒烟萬點中。

路鶴徵 字湘舞江西南華亭人

籠中鸚鵡

縱有雲霄志。其如鍛羽何。語言徒自巧。文采累人多。龐坂關河杳。雕籠歲月過。翠衿潭短盡。愁絕少陵歌。
文采累人一篇主見稱正乎後物柳州劉

連州指其人也故君子有取於夷自

范超 字同叔江南上海人

雪灘釣叟歌

雪灘釣叟人不識。拚竿日坐灘頭石。渭水
遭逢事有無。英雄老作江湖客。問爾垂綸
定幾年。笑而不荅鬚飄然。知君原之求魚
志。擊楫還吟秋水篇。垂虹橋門七十二。君
家恰在橋邊住。茹屋斜開白板扉。釣船橫
繫枯楊樹。日落沙頭增暮寒。江天風雪正
漫漫。朝來凍合無魚釣。好脫蓑衣當酒錢。

此為吳江頭茂倫作

此朱紹炳字虎臣浙江仁和人。西冷十
詩教陵夷而斟酌論次以期力追淵
雅也。虎臣詩營構精堅時嫌過密特
取其清疎淡蕩

酬毘陵劉慶雲湖上見贈

劉生纔把臂。幾載客錢塘。一見如相識。重
遊即故鄉。春陰桑葉白。日暖柳花香。未
識湖山興。高歌那斷腸。
桑葉非白柳花無香
葉白太白云風吹柳花滿
店香詩人引用皆有所本

喜陸大景宣歸河潛

征途幾歲竭歸來。瘦信江南重可哀。春雨
州。連村市沒曉風花。倚戰場開。我思賣藥
仍無地。君定垂綸。何處臺。摠是他鄉成浪
跡。故人相見且銜盃。

沈

謙字去矜。浙江仁和人。著有東江

後乃循漢魏之規模。得初盛之風。致其意貞而不濫。其散和而不流。

引聲歌

外極莽蒼。內保精粹。至人不言。四時咸傳。
理不出身道。不在智形體。塊然神明所寄。
虛心實腹。抱道守真。大化迴薄。與仙者鄰。
運斡圓象。敷匝廣輪。陰陽不害。庶得平均。
可參予欲無言章及
老于守其環中等意
樵歌行自注祖望自號西山樵夫嘗
以漁父詞贈予故有此蒼
西山樵夫方壯年。手持樵斧。西山邊。朝向
西山石上坐。暮向西山雲際眠。行人過者

問樵夫願君共坐語斯須美髯如戟好身
手虎狼不顧千金軀深林杳杳白日落請
君且去住城郭豐貂錦衣不識寒肥肉美
酒供大嚼暫時俯仰誰復咄恐隨霜露填
溝壑樵夫不谷自微吟東江漁者知我心

送人之山東

君去遊齊魯誰憐泣路隅沙深埋馬足風
利斷人續鼓楫河流溢瞻雲嶽色孤蘭陵

多美酒愁絕更須沽

晚眺

川原望不極孤客自登臺落日大荒遠平
沙秋雨來青門生事渺白石壯心哀歸思
西風後空憐作賦才

送友人北上

嗟君此行役把酒一沉吟驅馬河冰滑聽
鷄夜雨深鼓鼙孤客淚書札故人心念母

歸應早。天涯弗滯淫。

虞黃真

字景明浙江石門人

楊柳枝辭

楊花如雪撲征衣。馬上征夫苦憶歸。曾向
曲中回首望。而今真在路旁飛。清淺、

此辭體也

陸

圻

字麗京浙江錢塘人。煥洋詩
在嶺南為僧名今龍而朱竹垞太史
謂其入武當為道士終莫能定也據

之不知
所終云

七夕有感

萬里晴雲澹素秋。海天東望更生愁。黃姑
鵲通斜漢。明月嬋娟照戍樓。剖核誰當
來阿母。吹笙何路問浮丘。可憐攜手闌干
淚。空擬歸來尚黑頭。

與歌者陳郎

落日橫江老白蘋。同鄉停問一相親。未嫌

李尉翻新曲。偏喜何歡是。舊人玉管漫吹。秋月白。紅牙曾按綺筵新。坐中恐有傷心客。莫唱伊涼水調頻。

送朱生之秣陵

華館張燈酒共斟。清霜朔雪晝陰陰。上方請劍高名著。廣柳容人俠氣深。醉後難忘公瑾曲。愁來獨抱蔡邕琴。秦淮渡口花爭發。莫負當年桃葉吟。應是俠士而

毛先舒

字稚黃浙江仁和人。有東坡詩。施絕句云。別有深息。斷不得對君歌舞背君啼。此意未經前人道過。

孔北海融述志

炎炎當路客。奕奕朱門開。雄鷄無三號。冠蓋紛沓來。志士大所營。漂漂窮無依。結根在累世。安能灼餘輝。歷觀古俊民。功成道何微。子牙尚陰謀。管仲器小哉。人生履國步。周道自我夷。猛虎扼其項。何況狐與狸。

此身勤君父。安得慕夷齊。曲士矜一節。度

外寧所希。寧為白玉碎。不為長伏雌。北海

直無曹瞞經營國。難不慕夷齊。其素願然也。寧玉碎而不為瓦全。故卒被禍。振

古詩。頌設身處地為之。

裁衣曲

剪征衣。親手作。君身長短何須度。肥瘦定

然不如昨。新衣為君裁。舊淚為君落。還將

銅斗細熨熨。莫使衣上沾。猩紅屨見淚痕

不肯著。用路音節近接青。此遠接文昌仲初。

張

丹一名綱。生字祖望。浙江錢塘人。有從野堂詩集。此西陵十子。中補者向共推其七律而五。古生辣結轆終以此體擅長。

白竹村

路盤白竹村。崎嶇探窮谷。居人八九家。林

杪構破屋。下惟四柱立。亭亭不附木。仰視

如鳥巢。夕暝梯雲宿。樓動晚風吹。萬竿如

夏玉。已防虎豹害。復懼麋鹿觸。我行多妨

畏不敢岐路哭。從者俱飢色。清潭聊手掬。
吾語勿苦飢。餐松毛羽足。寫竹屋荒
洒如見

涿州城

時。道不在地微白。生牛背。遙望涿鹿城。蓬
然沙磧。控緹走其下。壁立皆土塊。此地
古。范陽甲兵天。最側耳。聞啼飢。傷心自
我輩。野狼遇人。嗅蒼。鷹攫雉碎。生涯底如
此。浩歎茲行邁。天下之險
誰謂山堦人
不可使有飢民耶
不留心經國

晏城

小小古晏城西對華。不注昔之晉。卻克逐
馬而此處。我行實已嬾。解鞍歇薄暮。鳴臬
嘯其羣。老鳥守枯樹。不見古人迹。斷碑委
樵路。手摸苔蘚痕。字句讀未誤。平仲之采
地。緬然起思慕。奈何千載後。蕪沒如野戍。
相望有遠山。恐是齊朝附。

登城西南隅次毛馳黃韵

野濶天高楓葉丹。鳳凰城下倚樓看。苔深
玉馬秋逾靜。露溼銅駝曉未乾。南浦雲屯
千騎合。西陵木落萬家寒。愁來鼓角霜前
動。莫聽征鴻去渺漫。

陸嘉淑

字冰修浙
江海寧人

蕪城感舊

花影鶯聲句。偶傳無端真得玉人憐。劉郎
前度身猶在。杜牧三生事惘然。銀燭夜闌

分險。畫欄春半響么絃。玉鈎斜外傷魂
處。落盡桃花叫杜鵑。

郭襄圖

字皋旭浙
江平湖人

贈鮑子韶即送別

看君心事欲凌雲。客裡悲歌日易曛。每笑
成名皆豎子。翻因長揖重將軍。焦桐未盡
留知己。白鳳時吞只賣文。憶向五羊同叱
石。燕台相見又離群。

顧萬祺字庶其江南吳江人諸生

鬪鷄坡

紅粉官中小隊齊。花痕凝碧草萋萋。一從孫武歸山後。不教三軍教鬪鷄。武修不修

想出可云

○盧元昌

字文子江南華亭人諸生。文子衡門兩版下惟著書選定古文不脛而走為詩少權娛之詞多愁苦之言由生平遭際使然而頌法常在少陵故憂傷感憤不知其然而然也上海陳生龍岩為余述其梗概如

此

哭李在涓

汝書粘在壁。三載字依然。薄宦嗟無祿。投荒竟各天。老魂霜旅雪。客夢叫孤鳥。誤汝真升斗。泉臺恨肯捐。

薄宦天涯客。頻年幾箇回。挑燈搜鬼錄。把酒話泉臺。後死青山在。餘生白髮催。羊城李少府。丹旆早歸來。第一章哭少府與章痛逝者而行自念也

北塘眺棹

悠悠北塘棹。落日轉蓬科。留滯無安土。東
南病把戈。江寒魚罟靜。月上虎蹤多。去去
勿復道。蒼生可奈何。第五語經所云
三星在罟也

登吳六益藻野閣次韻

凭欄極望思蒼茫。南北關山雁幾行。萬里
故人偏海角。十年兄弟一匡床。欲謀土室
真成狷。便哭窮途未是狂。愛爾濯園能樂

志樓前長種百株桑

群忠祠

徐海樓船捲土來。角聲吹落暮雲哀。將軍
卧鼓空城閉。國士搴旗戰壘開。五尺汪童
能破賊。三千瓦氏浪銜枚。自註明世廟徵
瓦氏兵禦倭甚
暴先朝祠宇還香火。蕭瑟寒鴉夕景催。此
倭寇之
亂者

哭箕兒

舉目伶仃欲斷魂。汝生惟此鏡孤存。翻教
哀祖為嚴父。休道無兒幸有孫。白首未拋
苦海累。黃昏孰問寢門溫。床頭零落殘書
卷。幾度青燈屋漏痕。

胡渭生

字壯明。浙江德清人。

吳山觀潮

扶桑東極水雲昏。溟漲連天入海門。白鷺
千群沙際影。青螺數點雪中痕。石當羅剎

聲偏走。風折西陵勢益奔。徙倚伍胥祠下

望鷓鴣。夷信有未招魂。

白鷺千羣用枚乘語。意青螺句即蘇詩所

云。越山禪在浪花中也。

吳文

字修齡。江南崑山人。修齡著

宗所為詩。莫傲西崑。然重重疊疊。積懶
祭而未歸。自然與平日嚴論。不相關
照。所謂責人斯無難者也。
存其佳者。二章以識大概。

秦

質子妖姬貸可居。六王未畢已邱墟。鞭撻

東去無靈燕。駢乘西歸。有鮪魚黃犬。淚中
慙廢立。白蛇醉裏報。驅除當時早。為秦非
計。牧地為封。食有餘。

蜀漢

季世唐虞。只此時泗亭。天壤哲人違。三交
城下。波聲急。五丈原頭。日色微。西國無煙
生火井。東鄰有女。落蝶磯。不聞鍾。鄧能緣
險。黃皓譙。周盡識。幾落蝶磯。落

譚吉瑄

字舟石浙
江吉與人

弔戰場

祈連山下草。寂寞少人烟。魂魄千年後。還

思渡酒泉

言故鬼尤不忘歸也。前人以此可憐無定河邊骨。尤是淩閨夢裡

人為善作苦語
此篇正復相似

朱克生

字國楨江南寶應人太學生著
有秋匪集。王漁洋贈詩云海

內風騷調未孤故人才筆妙
珠胡即此可以想其詩品

送陳子壽往河南

匹馬遊梁出帝鄉。贈鞭重集酒鑪旁。那堪
旅舍逢離別。正值家園作戰場。冰水月明
沙雁過。薊門霜動夜。砧涼傷心去。住同搖
落不獨悲。秋淚滿裳。分寫河南薊北而未
以一語摠承格律甚

細

余南史

字無殊江南吳江人諸生○無殊山人安期字羨長之子羨長

以博雅勝無殊出以清空父子各擅長也

過顧茂倫村居

境以居人重。情因遇故深。酌泉偏愛淡。看
竹共分陰。草木山中歷。桑麻世外心。閒吟
忘永夜。明月照披襟。

黃九河

字天濤江南泰州人

北上於素浦發家書

丈夫志四方。不受兒女羈。苟懷萬里志。勞
勤何足辭。昨發海陵城。今宿淮水湄。附書
於送徒。撥筆中心悲。親忘兩弟弱。友戶惟

中閩水旱歲頻仍。全家常苦飢。官租宜早辦。西疇勤耘耔。幼弟學易荒。肅恭承明師。回首望螺山。先壘草離離。遠行戀所生。負賤無歸期。苟能行直道。何懼路險巇。長安多親舊。音驛日夜馳。紙短苦意長。挑燈重封題。欠伸啟蓬窓。月落村鷄啼。直寫八行中語歸到

遠所生行直道即所謂明發不寐室陋可行也
王孫晉 字在公江
南賓應人

南閩

久客欲歸去。翻愁行路難。松天圍萬嶺。平地落千灘。水立驚蛟鬪。風腥哭虎殘。悲歌烽火夕。流落恨儒冠。

韓 留 字經正直隸宛平人著有天樵

子集。朱太史竹垞序云石耕足名承子轉取其七言以其情韻纏綿尤足動人也
夜

出門寒輝看向圓清宵白雲多在天歸人
已絕四鄰靜老樹葉隕風淒然門前即是
寒溪路坦步徐吟過古渡長橋立久人不
知明月相隨自來去

九日登錫鳴山

聞道東籬菊已黃無因移向酒尊旁西風
忽起野烟暮落葉亂飛山樹蒼雁帶寒聲
歸渚急江涵秋水與天長浮雲遮盡登高

眼不許愁人望故鄉

雨中送春

綠水疎籬映水濱清溪窈窕寂四無鄰一簾
細雨仍飛燕幾日殘花又送春多病翻愁
今夜酒傷心如別故鄉人明年寄跡知何
處早向天涯慰苦辛

第六語非占之
傷心人不能道

王邦畿

字說作廣東
番禺人貢生

香郊

閉門日已久。出郭尚鳴鶯。為愛清溪色。春風百草生。雲低滄海樹。潮上文陽城。何處山中叟。猶聞伐木聲。錢劉遺韵

過易水

地入幽州白日沉。寒雲莽莽水陰陰。亦知七首無成事。只重荆軻一片心。劍術之疎。中心之義。

盡予十四字中矣。綱目書荆軻為盜。未為平乞。

梅石石人著。有響山齋集。

秋日

秔稻朝初熟。荷花晚更香。燕飛過竹暗。牛飯就松涼。斯世多充隱。吾徒半醒狂。愛從田父飲。雜坐亦何妨。王漁洋見田家飯牛中有所感。因賦牛飯。

就松涼句

錢曾字遵。土江南常熟人。

蝶

曲廊迴處正斜曛。弄影隨風自作羣。曾時

粉衣欺艷雪，幾綠香夢惹。行雲斜穿簾幕，
深深見飛過池塘。故故分送得，南園花草
盡。正教愁殺杜司勳。

○吳物業

字慎庵江南吳縣人諸生著有錦峰樵稿

山居

世事山居盡，哀年懶更加。鳥啼方禁覺，酒
熟正梅花。天地容雙鬢，漁樵共一家。溪邊
聊晚眺，倚杖數歸鴉。
三語方字四語正字不鋪之鋪是寫詩眼

卓爾填

字子任江南江都人。子任系靖誰忠臣諱敏之後代傳清白壯歲南征閩逆為右軍前鋒又嘗輯勝國逸民詩或集文武並爛遠近爭高其行

源口

旌旗源口出，萬馬度沙頭。山月開昏路，烽
烟警素秋。前林圍已破，新壑血能流。何日
銷征伐，春原看牧牛。

黃

均字子厚山東即墨人康熙癸卯舉人著有夕霏亭詩

短歌行

龍蟠於泥。蛟其肆之。虎處於柙。爪牙安施。
委巷之犬。吠聲如豹。駭食之鼠。口厭梁糈。
太行居後。孟門居前。僉夫之心。君子畏焉。
方寸之中。乃有五嶽。磊砢欽崎。五丁焉鑿。
精衛填海。愚公移山。為之在人。成之在天。

送此公周邑侯南歸

君從西郊來。旌旆光如雷。父老庭道左。爭

欲識君面。君從西郊歸。一壑荒邱。樹獨有
春風發送君千里路。

嚴我斯

字就思浙江臨安人康熙甲辰
賜進士第一人官翰林學士

著有尺五
堂詩刪

十峰州堂歌為錢某百作

九龍之山環九峰。一峰一態如。一龍興雲
出。雨氣磅礴鱗甲欲動。蒼空別有一峰
伏而起。神竒天矯為龍。世人咫尺不知。

名古來畸士都。如此中右草堂繞烟蘿。峰迴薄青嗔哦。左圖右史安樂窩。猿啼鶴唳山之阿。草堂主人抱龍德。或潛或見人不識。時時掉臂弄雲霞。往往歌散出金石。曠懷雅好遊名山。往來空曾盡躋攀。有時夜半登日觀。雙騎白鹿青雲間。去年把臂歷山麓。清詩萬首酒百斛。今年款段走長安。不使緇塵洗素服。手持尺幅字琳琅。乞

我題詩寄草堂。予本風塵落拓者。青鞋布襪思徜徉。安得投簪尋泛宅。五湖之曲烟光白。與君拄杖聽鳴泉。夜向松窓讀周易。

一起神來以下
便一筆掃去

開砧曲

長安八月秋風起。長安門巷秋如水。閨中思婦罷鳴箏。一夜傷心千萬里。前年蕩子去從軍。消息關山揔不聞。黃龍塞上愁雲

斷丹鳳城邊落葉紛。平沙獵獵吹枯草。碣石霜飛寒信早。鐵衣銀積苦思家。紅粉空房愁遠道。烏啼啞啞風淒淒。日暮寒砧到處迷。玉筋暗隨敲斷續。涼蟾故逐影高低。青漆樓頭雁初度。天寒夢斷金微路。龍堆戰士幾人還。馬革遊魂竟何處。城西一帶素車歸。白骨沙場半是非。昨夜深閨猶記憶。開箱還持舊征衣。

周

弘

字子重江南無錫人康熙甲辰賜進士第二人官侍讀卒

己未二月二日午門聽宣岳州大捷

遇雪恭紀

荆南奏凱達神京。曉闕天闈瑞雪明。朱鷺銜歌翻到曲。玉龍銀甲洒春城。貂裘尚憶軍前賜。鵝鴨曾喧夜半聲。自此江湖空戰壘。豐年有象課深耕。
奏捷遇雪語語合寫

湖南諸路大捷和宝坻杜相國韻

覆巢殘孽剩遺雛。坦腹緋衣合識符。士行
高牙麀宰國岳侯。奇捷洞庭湖烽烟一夜
天兵掃湯火頻年我。后蘓橘渚楓洲初
戰定。関山片月笛中孤。

曹

禾

字頌嘉江南江陰人康熙甲辰
進士己未名試博幸鴻詞官
至國子祭酒。余識其孫全倫清門
零落矣既全倫旋沒訪其詩不能多
得爲之
熙然

秋夜述懷

空林葉穢穢野大。駭信信。偷得忽。四顧中
夜感古人鴻蒙詎不樂。爲用施經綸。才賢
既當權。造化辭。苦辛雷雨亦待治。雲物非
空陳。自有濟世功。千古獎其身。牽犢者誰
子。高蹈遺斯民。君子出而用世則造化以
得也千古聖賢
心事昭然若揭
送友還金陵
屑瑟秋風送客裝。蕭條木落更神傷。滿天

月

欲雪尊。虛酒昨夜。初寒雁。叫。千相馬足遠衝。
黃葉路。吟。散。徐。八。白。鷗。鄉。江。南。景。物。閑。情。
甚。煙。雨。秦。淮。楚。裏。長。

勞之辨

字書升。浙江石門人。康熙甲辰。進士官至副都御史。著有靜思

詩堂

眺元武湖歌

鷄鳴十廟衰。州多誌公遺。塔高巉我望。
大江千里之雪浪。近俯晴湖萬頃之煙波。

湖形北向稱元武。錦纜樓船闕歌舞。結綺
臨春跡已空。惟有澄泓一片無。今古聞說
龍蟠王氣真。徐常偉伐圖麒麟。共球受日
歸天府。戶冊登餘載。水濱周遭沈澹中。台
榭瀟灑游魚通。港汊仁民愛物本相兼。密
於淵者罰無赦。自註。明初置黃冊。其中禁人遊玩。兔葵燕
麥。搖春風。細柳新蒲。發故叢。鴛瓦已銷金。
碧外漁歌時起。菰蘆中自古盛衰如轉燭。

六朝興廢同。碁局君不見。鍾山陵樹來。樵
牧射生收得銀牌鹿。今古盛衰之感借題
發出見有德易以興

無德易
以亡也

○趙士

字五峰雲南河陽人康熙甲辰
進士官至吏部侍郎○雲南遠
隔萬里風詩雜采少寧詩
亦不多見故所收止此

過安莊至鎮寧

帶綰輕裘上偃坡。樓霞尚近鬱嵯峨。名通
上國由莊嶠。威鎮諸侯自伏波。溪谷至今

多瘴癘。人烟到處雜藤蘿。為欣氣候如秋
杪。華蓋橋西試一過。

黔陽懷古

羅施聲教阻遐方。漢置牂牁達夜郎。天入
炎荒時苦雨。途經冷驛夜無霜。馬鞍觀側
藏雲塢。銅鼓山頭祀竹王。千古猶思丞相
澤。祠堂松柏自蒼蒼。

盛符升

字珍示江南崑山人康熙甲辰
進士官御史著有誠齋詩集○

侍御少從真考功。彛仲遊與雲間諸
先哲相切磨。既出王新城尚書門所
詣益進徐司寇健菴評其詩謂原
本少陵詩外別有事在。非溢分語
同阮亭先生遙和李侍即讀水經注

憶洞庭韻

聞說巴陵倚洞庭。君山如畫見圖經。岷峨
雪盡寒潭碧。雲霧波連湖草青。九派微茫
看楚澤。數峰彷彿擁湘靈。知君回首曾遊
處。遠思蕭然入杳冥。

中秋岱頂即事

身入雲端雲下垂。風雷南去日西馳。青霓
斷續斜陽外。碧海澄鮮子夜時。天柱獨晴
依上界。冰輪乍滿半秋期。茫茫俯視皆塵
霧。一片空明對玉池。

南征

太白秋明井鬼旁。兵占畢已在炎荒。養成
歲月營三窟。唱負西南擅一方。莫遣金沙

留蜀漢豈容清浪接湖湘。由來制勝資全
策。銅柱依然。緬水陽。時高並有連結矣。涉
之勢。頊昭慮及之非。

尋常經
生家語

冬日渡彭蠡過廬山下

幾經滄浦惜幽尋。重向官亭望遠岑。雲卧
石門思北澗。花開蓮社憶東林。三人一笑
誰賓主。五老千秋自古今。惆悵吾衰空夢
想。幾人遊跡未銷沉。

劉梁嵩

字玉少。江南江都人。康熙甲辰進士。

天險閣

旋折初驚大壑雷。凌空復上劇崔嵬。白雲
無際疑天盡。翠巘何年倚劍開。一路水從
汾曲合。千層山抱鴈門迴。中原地勢經西
折。眺覽重增庾信哀。

留蜀漢豈容清浪接湖湘由來制勝資全

策同柱依然無水面易時高並有連結矣涉

國朝詩別裁集

卷八

三

國朝詩別裁集卷八終

Vertical columns of text, mostly illegible due to fading and bleed-through from the reverse side.

